



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXIIII.

urn:nbn:de:hbz:466:1-11453

tra *Weseram* *Hildesemensem* & *Halberstadensem*.
Erant illis temporibus alia prima ecclesiarum fundatio-
ni loca, & perinde nomina: quæ cum translatis sedibus
sunt in hanc appellationem commutata. *Magdeburgen-*
sem autem vicinum archiepiscopatum postea *Magnus*
Otto, domita gente *Wandalorum*, instituit. Hoc ordi-
ne finitum est bellum *Saxonicum* atrocissimum & diu-
turnum, quod pro diuturnitate temporis, & magnitu-
dine laboris, magnum & desiderabilem habuit exitum:
durabat autem annos supra triginta. Quo tēpore mul-
ta & magna per duces sunt facta praelia, & ingentes
caedes. Ipse rex, ut ferunt, non nisi bis intra paucos vni-
us mensis dies, iusta cum illis acie conflixit, in *Thietmel*,
altero ad *Hasam* fluuium. Monstrant hodiè incolæ ca-
strorum vestigia. Penetrauit autem rex infatigabilis
cum exercitu ad intimam paludem *Hadelerie*, cum gens
illa rebellionem ostentaret, animata de imperiis, ut
putabat, paludibus: sed nihil inuium virtuti. Locum
castrorum eius vocant etiam hodiè incolæ *Karlsand*,
hoc est, arenam *Caroli*: in quo castra fixit.

CAPVT XXIIII.

Vedekindus autem pacatus in sua sedet prouin-
cia, *Westphaliā* solam gubernans: nam ultra
Visurgum prouincia & angustijs *Wandalorum* pre-
mebatur, & quod tenuere ditionis, pontifices guber-
nabant. Armorum insignia, quæ militaribus, ut fit, signis
preferēbat, pullum equinum habebant atrum: sed pla-
cuit regi, ut postquam de tenebris gentilium errorum
peruenit in lucem veritatis, ut candidum acciperet.
Ea verò sunt vetustissima *Saxonie* arma: sæpius inde
demutata, vel leonibus ex *Anglia* allatis, per *Henricū*
ducem, cognomento *Leonem*: vel stratorijs in clypeo
lignis,

lignis, quæ ruta sertum ex obliquo condecorat: per Bernhardum, prius Comitem de Anehold, inde veni-
surrogatum Henrico Leoni in ducatum Saxoniam, cum
ille per Fridericum I. solenni Imperij conuentu per
sententiam deponeretur. Dwedekindus autem, cum res
illum Karolus baptizatum, in sua, ut diximus, provin-
cia gubernare permetteret, edificato in Anglaria (nunc
Angriam vocant) insigni templo, instituto collegio sine
fine Deo seruientium, quod nunc in Heruordiam fe-
runt esse translatum, ibique dominabus imperitanti-
bus seruit: plurimum ipse in Christo deuotus, religione
profecit. Sed erat illi ex magnis causis cum Geroldo
Sueuorum duce atrox bellum, quod varia diu fortuna
protrahabatur. Mirum quomodo tam longinquum, ex
Sueuia in Saxoniam? Sed erant Saxonibus prædia,
quod supra ostendimus, in Hercinia, & Suenis in Te-
ringia: vnde facile potuit conflari de terminis bellum.
Sed eo consumptus perijt Dwedekindus: Christiano ritu
sepultus in ecclesia eius, quod fundauerat, collegij
ibique aliquandiu quieuit, donec in Padeburnam a
lijs transferretur.

CAPVT XXV.

Vigbertus Dwedekindi filius erat, ab adolescentia
Christo deuotus, inter Saxones vir primarius:
sed an principatum in gentem egerit, mirum est silenti-
um, quod Saxones ea tempestate, regnante post patrem
Pio Ludouico Imperatore, sub Christi religione man-
suefacti, quiescerent: & omnis prouincia episcopis dis-
partita, religioni seruiret. Transalbianam autem re-
gionem (quam Karolus pater Eridago sacerdoti in
vrbe Hamburgo commendauerat, quemque loci epi-
scopum facere disponebat, sed interuentus Danici bel-
li,